

## يوحنا سومى نامه

۱

۱ شيخ جی،

به عزيز گايوس که مو اونه 'حقيقت' ميئن دوست دئتم.

۲ ای عزيز، می دعا ایی ایسه که همه چی شيمه به خوب پيش بشی و سلامت بين و هيطورم تی جون، سلامتی ميئن بمونه. ۳ چون خیلی ذوق بودم، هو وقت که برارون بومان و گواهی بدن که تو حقيقت ميئن زندگی کوئی، راست راست که حقيقت ميئن زندگی کوئی. ۴ هيچی مه ايناجی بيشر شاد نوکوئنه که بشتوئتم، می زاگون 'حقيقت' ميئن زندگی کوئن.

۵ ای عزيز، تو همته تی کارون ميئن، برارون به، تی امونت داری نيشون دئی، بخصوص ايشونه به که تی ورجه غريبه ایسن. ۶ ايشونم کلیسا ميئن تی محبت به گواپی بدن؛ پس خوروم کار کوئی، اگه ايشون هوطو که در شائن خدا بیی، سفر به راهی بوکونی. ۷ چونکه ايشون او ایسم و سه سفر بوذن و غير بهودی آن جی هيچ کمکی هيئنن. ۸ پس أمه باء ایجور آدمون مورشون کمک بوکونيم تا بتوئيم ايشون أمره حقيقت واسه همکار ببیم.

۹ مو یه چی کلیسا به بنويشتم، ولی ديوترفيس که دوست دئنه خوشه اول بنئه، امه اقتدار اهميت نده. ۱۰ پس اگه مو بائم، کارونی که او انجوم دئدره رسيدگی کوئتم، چرا که غرض أمره، امی ضد گب زننه و به ای هم قانع بننه، امی برارونم قبول نکوئنه، و برارونی هم که خوائنن اوشون قبول بکونن، جلوی گينه و کلیسا جی بیرون تودئنه.

۱۱ ای عزيز، بدی تی سر مشخ نکن، بلکه خوپی جی سر مشخ بگير؛ اون که خورم کار کوئنه خدا جی ایسه، اون که بد کار کوئنه خدا نده. ۱۲ همته

دیمیتریوس باره خورم گواپی دننن حتی خود حقیقت. امه هم ایطو گواپی دننیم  
و دوئی که امه گواپی راست ایسه.

سرآخر

<sup>۱۳</sup> خیلی چیزون داشتم ته به بنویسم، اما نخوانم مرکب و قلم امره بی.  
<sup>۱۴</sup> امید دایم خیلی زود ته بینم و رود رو گب بزیم.  
<sup>۱۵</sup> سلامت بی!

رفیقون ته به سلام رسونینن. تک تک رفیقون به ایسم سلام برسون.

